



Tiranë më

Nr.

**RELACION**  
**PËR**  
**PROJEKTVENDIMIN**  
**PËR**  
**MIRATIMIN E DISA KARAKTERISTIKAVE TEKNIKE TË FLETËVE TË VOTIMIT**  
**PËR ZGJEDHËSIT ME BANIM JASHTË TERRITORIT TË REPUBLIKËS SË**  
**SHQIPËRISË PËR ZGJEDHJET PËR KUVEND TË DATËS 11 MAJ 2025**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Neni 20, pika 1, shkronja “g”, dhe 3 e ligjit nr. 10019, datë 29.12.2008 “Kodi Zgjedhor i Republikës së Shqipërisë”, të ndryshuar, ka parashikuar kompetencën e Komisionit Rregullator për të shqyrtuar dhe miratuar projektaktet me karakter normativ, të përgatitura nga administrata e KQZ-së ose nga anëtarët e tij, për rregullat për furnizimin dhe administrimin e materialit zgjedhor.

Neni 98, pika 1, ka parashikuar kompetencën e KQZ-së për përgatitjen e fletëve të votimit.

Neni 97 pika 1 parashikon se për zgjedhjet për Kuvend, zgjedhësi voton me një fletë votimi me ngjyrë dhe formë të njëjtë për të gjitha zonat zgjedhore.

Neni 25/1 pika 2 parashikon që fleta e votimit për zgjedhësit me vendbanim jashtë vendit është e njëjtë, por me një element të veçantë dallues me fletën e votimit që përdoret brenda territorit të Republikës së Shqipërisë.

Në zbatim të dispozitave të sipërcituara, Drejtoria e Ligjshmërisë ka hartuar projektvendimin “Për miratimin e specifikimeve teknike të fletëve të votimit për zgjedhjet për Kuvend të datës 11 maj 2025.

**II. PËRMBLEDHJE SHPJEGUESE E PËRMBAJTJES SË PROJEKTVENDIMIT**

Projektvendimi “Për miratimin e disa karakteristikave teknike të fletëve të votimit për zgjedhjet për Kuvend të datës 11 maj 2025”, ka për qëllim të përcaktojë karakteristikat teknike të fletëve të votimit që do të përdoren për për Kuvend të datës 11 maj 2025.

Neni 97 pika 1 parashikon se për zgjedhjet për Kuvend, zgjedhësi voton me një fletë votimi me ngjyrë dhe formë të njëjtë për të gjitha zonat zgjedhore.

Referuar nenit 98 të Kodit Zgjedhor, fletët e votimit për zgjedhjet përgatiten nga KQZ-ja. Fletët e votimit duhet të jenë prej letre, me ngjyrë, trashësi ose elemente konfigurimi të tilla që të mos lejojnë leximin e votës në pjesën e pasme të saj, si dhe të përmbajnë elemente sigurie, sipas përcaktimeve me akt normativ të KQZ-së. Fleta e votimit përmban element teknik në formën e kodeve që identifikojnë zonën zgjedhore, qendrën e votimit, si dhe elemente të tjera identifikuese që nuk lexohen me sy të lirë.

Përveç elementeve të sigurisë së letrës, fleta e votimit do të përmbajë dhe disa elementë teknikë në formën e kodeve që identifikojnë qarkun dhe elementë të tjerë identifikues që nuk lexohen me sy të lirë (QR code). Elementët e sigurisë dhe elementët teknikë janë të përcaktuara në mënyrë të detajuar në lidhjen nr. 1 që i bashkëlidhen projektvendimit dhe që, është pjesë integrale të tij.

Komisioni Rregullator nuk mund të shprehet në mënyrë shteruese për dimensionet e fletëve të votimit, e për këtë arsye propozohet që me këtë vendim të miratohen dimensionet minimale të tyre. Në tekstin e projektvendimit, është përcaktuar se përmasat e fletës së votimit caktohen nga KSHZ, pas përfundimit të regjistrimit të subjekteve zgjedhore.

Duke qenë se tashmë ekziston një praktikë e konsoliduar për karakteristikat teknike të fletëve të votimit të përdorura për zgjedhjet prapendëse të vitit 2021 dhe 2023, propozohen specifikimet në lidhjet nr. 1, të cilat janë të njëjta me ato të përdorura në zgjedhjet e mëparshme

Risia e këtyre zgjedhjeve është votimi i zgjedhësve jashtë territorit të RSH. Fleta e votimit që do të përdoret nga këta zgjedhës është e njëjtë fletën e votimit që përdoret brenda territorit të Republikës së Shqipërisë, por me element dallues ashtu si parashikohet në nenin 25/1 pika 2.

### **Elementë të veçantë dallues në fletën e votimit për votuesit jashtë territorit të RSH:**

Shenja: Kreu i fletës së votimit ku vendosen elementët e përgjithshëm të fletës së votimit është pa ngjyrë (e bardhë) me lartësi 30 mm dhe kjo fletë votimi emërtohet “ FLETË VOTIMI NGA JASHTË”

Për sa më lart në këtë relacion, Komisioneri Shtetëror i Zgjedhjeve, brenda kompetencave të veta, dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar, i propozon për shqyrtim dhe miratim Komisionit Rregullator projektvendimin, “Për miratimin e disa karakteristikave teknike të fletëve të votimit për zgjedhjet për Kuvend të datës 11 maj 2025.”

**Pavlina DOCAJ** – Drejtor Drejtorja e Ligjshmërisë

**Majlinda CELMETA** – Sekretar i Përgjithshëm (në mungesë dhe me urdhër)



**REPUBLIKA E SHQIPËRISË**  
**KOMISIONI QENDROR I ZGJEDHJEVE**  
**KOMISIONI RREGULLATOR**

Data:

Nr:

Ora:

**VENDIM**

**PËR**

**MIRATIMIN E KARAKTERISTIKAVE TEKNIKE TË FLETËS SË VOTIMIT PËR**  
**ZGJEDHËSIT ME BANIM JASHTË TERRITORIT TË REPUBLIKËS SË**  
**SHQIPËRISË PËR ZGJEDHJET PËR KUVEND TË DATËS 11.5.2025**

Në mbështetje të nenit 20, pikat 1 shkronja “g” dhe 3, nenit 25/1, nenit 97 pika 1 dhe nenit 98, të ligjit nr. 10019, datë 29.12.2008, “Kodi Zgjedhor i Republikës së Shqipërisë” të ndryshuar, me propozimin e Komisionerit Shtetëror të Zgjedhjeve, Komisioni Rregullator

**V E N D O S I:**

1. Miratimin e karakteristikave teknike të fletës së votimit, për zgjedhësit me banim jashtë territorit të Republikës së Shqipërisë, për zgjedhjet për Kuvend të datës 11.5.2025 , sipas lidhjes nr. 1, që i bashkëlidhet këtij vendimi.
2. Përmasat e fletës së votimit përcaktohen nga Komisioneri Shtetëror i Zgjedhjeve, në varësi të numrit të subjekteve zgjedhore që do të regjistrohen.
3. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.
4. Ngarkohet Komisioni Qendror i Zgjedhjeve me zbatimin e këtij vendimi.
5. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit Tiranë, brenda 5 (pesë) ditëve nga shpallja e tij.

**Ilirjana NANO** Kryetar

**Arens ÇELA** Anëtar

**Dritan ÇAKA** Anëtar

**Helga VUKAJ** Anëtar

**Muharrem ÇAKAJ** Anëtar

Data: Nr:  
Ora:



“Për miratimin e karakteristikave teknike të fletës së votimit, për zgjedhësit me banim jashtë territorit të Republikës së Shqipërisë, për zgjedhjet për Kuvend të dates 11.5. 2025”



**REPUBLIKA E SHQIPËRISË**  
**KOMISIONI QENDROR I ZGJEDHJEVE**  
**KOMISIONI RREGULLATOR**

**Lidhja 1**

**Disa karakteristika të fletës së votimit për zgjedhësit me banim jashtë territorit të Republikës së Shqipërisë për zgjedhjet për Kuvend të datës 11 Maj 2025**

**Lloji i letrës:**

Letër methurje (Äatermark) jo më pak se 90gr/m<sup>2</sup> 100% pulp, me fibra karboni ultraviolet, 2 shtresa, me trashësi 117 micron, me certifikatë origjine, me mikroprintime, elementë në printim që shikohet me rreze ultraviolet.

**Dimensionet e fletës së votimit:**

Gjerësia e fletës së votimit	jo më e vogël se 297 mm
Gjatësia e fletës së votimit	jo më e vogël se 420 mm

**Specifikime të përgjithshme:**

Stema e Republikës, me ngjyra  
Logo KQZ, me ngjyra

Ngjyra e fletës së votimit: kodi i ngjyrës (CMYK): ( C0%, M 11%, Y 36% K 0%)

**Qr kodi (elementë të fshehur teknikë në formën e kodeve):**

- Qarku 2 shifra

**Elementë teknikë të lexueshëm në fletën e votimit**

Qarku

Elementë të veçantë dallues në fletën e votimit për votuesit jashtë territorit të RSH do të jetë si vijon:

Kreu i fletës së votimit ku vendosen elementët e përgjithshëm të fletës së votimit do të jetë pa ngjyrë (e bardhë) me lartësi 30 mm, kjo fletë votimi emërtohet “ FLETË VOTIMI NGA JASHTË”.

Data: Nr:  
Ora:



“Për miratimin e karakteristikave teknike të fletës së votimit, për zgjedhësit me banim jashtë territorit të Republikës së Shqipërisë, për zgjedhjet për Kuvend të dates 11.5. 2025”



SPECIMEN  
VOTIMI NGA JASHTË 1

A3 297x420mm



SPECIMEN  
VOTIMI NGA JASHTË 2

A3 297x420mm